

#



Školski list učenika JU OŠ „Mramor”



Sadržaj	
Šta je to eksterna matura.....	3
15.2. Dan djece oboljele i liječene od raka.....	4
21.2. Dan maternjeg jezika.....	5
Dan voda.....	6
Dan dječje knjige.....	7
 Dan svjesnosti o autizmu.....	9.Naši maturanti.....
	10
Završena adaptacija područne škole u Dobrnji.....	11
Radionica za predškolarce područne škole u Dobrnji.....	12
Akcija čišćenja školskih dvorišta.....	13



IZDAVAČ
JU OŠ „MRAMOR“

ZA IZDAVAČA
BELMA SMAJIĆ, DIREKTORICA ŠKOLE

ŠKOLARAC
Bosna i Hercegovina
Federacija BiH
Tuzlanski kanton
JU OŠ „MRAMOR“

GLAVNA UREDNICA
Amra Sinanović

Redakcija
Belma Smajić, Alma Azapagić, Džafić Nermina i članovi novinarske sekcije

Eksterna matura u osnovnim školama sa radnim naslovom „Mala matura“ je zasnovana na našim iskustvima u provođenju eksternog testiranja u osnovnim školama kao i iskustava iz zemalja našeg bližeg i šireg okruženja. Vlada Tuzlanskog kantona je uvrstila eksternu maturu u jedan od prioriteta u svom programu rada, potvrdivši to i u najnovijem Zakonu o osnovnom obrazovanju Tuzlanskog kantona, gdje se u članu 56. stav 10. istog zakona navodi: “Na kraju devetog razreda utvrđuje se obaveza polaganja eksterne mature u skladu sa pravilnikom kojeg donosi ministar na prijedlog Pedagoškog zavoda”.

Eksterna testiranja nisu novost u našim školama. Pedagoški zavod Tuzlanskog kantona provodi ta testiranja u gimnazijama već od 2005/2006. školske godine, a u osnovnim školama su provedena tri eksterna testiranja, od od školske 2015/2016.godine provodi se eksterna matura za učenike završnih razreda osnovnih škola TK.

Eksterna matura u osnovnim školama Tuzlanskog kantona je zasnovana na opredjeljenju obrazovnih vlasti u BiH da postupno i sistematski uvode reformske procese u osnovnoobrazovni sistem sa konačnim ciljem provjere i poticanja kvalitete obrazovanja učenika osnovnoškolskog uzrasta i povećanju stepena ostvarenih ishoda učenja na kraju osnovnog obrazovanja.

Uvođenje eksterne mature u sistem osnovnog obrazovanja ima dalekosežne ciljeve. Neki od njih su:

Da rezultati eksterne mature budu korišteni za stalno poboljšanje kvaliteta rada u školama koji će garantirati bolji uspjeh u budućem školovanju.

Mogućnost nastavnicima za analizu svog rada i poboljšanje kvaliteta nastavnog procesa kojim će učenici biti zadovoljniji.

Da rezultati sa eksterne mature budu korišteni kao jedan od elemenata za rangiranje kandidata za upis u srednje škole bez polaganja prijemnih ispita.

Rezultati eksterne mature će biti osnova za poboljšanje kvaliteta rada škole, koji treba učenicima omogućiti da steknu praktične životne kompetencije.

Eksterna matura će omogućiti da se međusobno uspoređujemo, ali i da se uspoređujemo sa dostignućima učenika iz drugih sredina BiH, kao i sa školama zemalja Evropske unije, što daje mogućnost nesmetanog nastavljanje školovanja u drugim zemljama okruženja i Evropske unije.

Eksterna matura za učenike završnih razreda osnovnih škola Tuzlanskog kantona održat će se u četvrtak, 10. maja ove godine. Potvrđeno je to iz Ministarstva obrazovanja i nauke Tuzlanskog kantona, budući da će resorni kantonalni ministar Zlatan Muratović i direktor Pedagoškog zavoda Nikola Čića posjetiti Osnovnu školu „Miladije“ Tuzla.



Jučer su učenici Područne škole "Dobrnja", Osnovna škola "Mramor", obilježili 15. februar Dan djece oboljele i liječene od raka.



Prigodnim radionicama i noseći zlatne mašnice učenici naše škole poslali su poruku podrške djeci koja se liječi od raka



"Želimo im poručiti da smo svojim emocijama i mislima s njima."

Danas je Međunarodni dan maternjeg jezika. U svijetu se obilježava od 2000. godine, s ciljem unapređivanja, učenja i razvoja maternjeg jezika, njegovanja jezičke i kulturne različitosti i višejezičnosti.

Medžlis Islamske zajednice Tuzla u saradnji sa Osnovnom školom „Mramor“ tim je povodom danas ugostio osnovce iz Konjević Polja.



U povodu obilježavanja Svjetskog dana voda Zavod za Javno zdravstvo TK danas je prezentirao rezultate uzorkovanja i laboratorijske analize vode javnih česmi na području 13 općina TK. Analiza je pokazala da više od 50 % javnih česmi ne zadovoljava propise, te da nisu za piće. Ovogodišnja tema obilježavanja Svjetskog dana voda je „Priroda za vodu“, mogućnost rješavanja problema s kojima se sektor voda suočava u 21.vijeku uz primjenu rješenja koja se već nalaze u prirodi. U povodu Svjetskog dana voda za učenike područne škole Dobrnja upriličeno je predavanje o povezanosti zdravlja i vode.

Prema procjenama Svjetske zdravstvene organizacije, slatke vode na planeti Zemlji ima svega 2,5%, od čega podzemne vode čine 30,8%, jezera i rijeke 0,3%, dok je najveći dio slatke vode „zarobljen“ u lednicima (68,9%). Procjenjuje se da je samo 1% slatke vode ili 0,007% ukupne količine vode moguće koristiti za potrebe čovječanstva. U svijetu čak 1,1 milijarda ljudi nema pristup pitkoj vodi, a 2,4 milijarde živi bez osnovnih sanitarnih uvjeta. Dinamičan razvitak društva i sve veći pritisci na prirodni okoliš, a samim time i na vodu, postaju jedno od ključnih pitanja održivog razvoja, budući da onečišćenje podzemnih voda, jezera, tekućica i mora dodatno utiče na smanjenje postojećih zaliha vode. Povećanje potrošnje vode zbog većeg životnog standarda, urbanizacije i industrijalizacije, dovelo je do povećanja količine otpadnih voda koje se ispuštaju u prirodne vodne sisteme.

U cilju zaštite zdravlja sadašnjih i budućih generacija, neophodno je spriječiti zagađenje vodnih resursa, što zahtijeva odgovornost svake zemlje i njenog stanovništva, kao i međunarodnu saradnju. Evropska Konvencija o upotrebi prekograničnih vodotoka i međunarodnih jezera (1992.), koja je u Bosni i Hercegovini stupila na snagu 03.03.2010.godine, pruža osnove za razuman i pravedan način upravljanja vodnim resursima, koji služi potrebama prirode, poljoprivrede i industrije, a prije svega ljudskog zdravlja.

Bosna i Hercegovina je jedna od rijetkih zemalja u Evropi i u svijetu, koja ima značajne rezerve vode za piće. Međutim, otpadne vode predstavljaju opasnost za naše vodne resurse budući da se u vodotoke i jezera ulijevaju bez prethodnog biološko-hemijskog prečišćavanja. Rijeke i jezera ne mogu prihvatiti otpadne materije bez ozbiljnog uticaja na prirodnu ravnotežu, što dovodi do intenzivnog zagadenja vodnih resursa i gubitka kvalitetne vode



Biti prvi u konkurenciji gdje se prijavljuju i rade škole iz cijele BiH i RSa je velika pobjeda. Projekt "Dan dječije knjige" je najveći projekt iz oblasti Književnost za djecu u cijelom regionu.. Moje kolegice i ja smo uložile dosta truda, vremena, snage da zajedno sa našim učenicima iz jedne male, područne škole postignemo sve ovo. Bravo kolegice, bravo naši učenici!





#
Neobičajan ali izuzetno koristan dan proveden je danas u Područnoj školi "Dobrnja". Učenici ove škole već tradicionalno svake godine, pa i ove, zajedno sa svojim učiteljicama i školskim domarom organizuju akciju čišćenja prostora oko školskog dvorišta. Danas je prvo održana akcija čišćenja a potom Sporski dan. Učenici su igrali fudbal, između dvije vatre, preskakali viaču, izvodili vježbe na spravama. Bilo je zabavno. Učenici su učili i osjećali veoma korisno i ponosno", kazala je Mirsada Baraković, učiteljica u Područnoj školi "Dobrnja".



02.04.2018.

Danas je zaista bio dan pun aktivnosti. Učenici Područne škola "Dobrnja" obilježili su Dan svjesnosti o autizmu i Dan dječje knjige. U školi smo pripremili radionice na kojima su naši učenici pisali i crtali poruke djeci koja su u autističnom spektru a imali smo i kratko predavanje na istu temu. Tokom dana u školi smo obilježili rođendan H.C. Andersena i Dan dječje knjige. Veliki dio učenika je bio u Univerzitetskoj biblioteci gdje je u organizaciji književnice Jagode Iličić bio pripremljen poseban program i užitak u istom povodu.





Uz veliku podršku Švicarskog crvenog križa, veliko zalaganje aktivista iz MZ Dobrnja, uposlenika Područne škole "Dobrnja" s menadžmentom OŠ "Mramor" direktoricom Belmom Smajić, danas je završena adaptacija školskog prostora koji je ranije imao drugu namjenu.

Inicijativna grupa "Zdravo starenje" Dobrnja i svi ostali aktivisti koji rade na području lokalne zajednice "Dobrnja" su krenuli s adaptacijom prostora u decembru prošle godine. Prostor je bio u veoma lošem stanju i trebalo je puno novaca i puno radne snage



"Ne štedeći ni vrijeme ni snagu svi su pritekli u pomoć. Pored Švicarskog crvenog križa koji je bio pokretač svega, velika zahvala Savjetu MZ Dobrnja na čelu sa Hazrudinom Kišićem, KUDu "Mladi rudar Dobrnja", Aktivu žena Dobrnja, uposlenicima JU OŠ "Mramor, PŠ "Dobrnja" roditeljima naših učenika i posebna zahvala Nihadu Mujkiću našem domaru i Hamzi Kišiću koji su najviše vremena proveli radeći. Zahvaljujući velikom entuzijazmu, vjeri jednih u druge sada imamo prostor za naše predškolarce, grupu "Aktivno starenje", sastanke Aktiva žena Dobrnja i sve druge koji budu imali potrebu za istim", kazala je Mirsada Baraković, učiteljica u PŠ "Dobrnja" .

U organizaciji Predskolske ustanove " Nase dijete" Tuzla i Podrucne skole Dobrnja, a uz veliku pomoc nase Emine Delic, odrzana je radionica za predskolarce, koji pohadjaju Obavezan vid predskolskog obrazovanja u PS Dobrnja. Emina Delic je cetificirani Montessori odgajatelj i zeljela je uljepsati dan nasim predskolarcima








Foto-sekcija
"Mramor"

Učenici OŠ "Mramor" u Mramoru učestvovali su danas u akciji čišćenja školskog dvorišta centralne škole i njene okoline.

Ekološka sekcija razredne nastave realizovala je ovu aktivnost sa ciljem razvijanja svijesti kod učenika o važnosti bacanja otpadaka na za to predviđena mjesta, čime smo ih ujedno podsjetili i na razvrstavanje i recikliranje otpadaka, te poticali na stvaranje navika neophodnih za zaštitu prirode.

Svi učenici od prvog do petog razreda, opremljeni rukavicama i vrećama, vrijedno su radili na skupljanju i najsitnijih otpadaka na koje su našli. Dok su prvačići skupljali smeće po dvorištu svoje škole, starija odjeljenja su u pratnji svojih učiteljica od otpadaka očistila obližnji park, te prostor u blizini pruge i lokalnih trgovina.

Time su naši najmlađi učenici vlastitim primjerom poslali poruku svim generacijama da žele čistu i zdravu okolinu.



#